





康熙二十二年秋八

御製臺山諸寺碑記

東臺望海寺碑記

厝官職方氏掌天下之圖辨九州之國州表一山  
以爲鎮躋其巔可以望海者則揚之會稽充之岱  
青之沂幽之醫無閭凡四山焉惟岱距海較遠登  
日觀望扶桑其峇嶢峻極尤非他山可比也五臺  
隸并州州境無海而臺之東峯以望海名蓋雲中  
上黨晉地踞天下之脊山之麓旣高而臺之高復

三十餘里龍泉以東岡巒陵阜皆處其下遠瞰滄  
瀛諸州景光惆恍儼若紫淵浩淼與青顛之氣混  
滯相接記稱旭日方升望大海若陂澤信有以哉  
臺有寺榱棟檜桷不蔽風雨朕省方登此命加修  
葺復其初制蓮臺法相固極莊嚴已四方之人得  
於焉信宿縱睇溟渤之朝曦以視夫岱宗日觀又  
何多讓耶遂礱片石文以紀之

西臺法雷寺碑記

朕聞鷲嶺蜂臺不少水晶之域鶴林鹿苑恆開金

粟之園莫不獻露裛之千花蔭春浮之雙樹乃有  
龍湫抱鉢偕猿鶴以高棲燕子成龕捫藤蘿而直  
上况夫竺法蘭之初地舊是花宮勾龍爽之畫圖  
羣推紫府細蓮照野智炬長然青豆開房精廬用  
結西臺絕頂有法雷寺焉方廣化城文殊密宇琉  
璃布地霄鄰掛月之峯栲栳名山磴轉千雲之石  
僊人五百青髻曾遊沙界三千玉毫盡徹指修蛇  
之負壑恆嶽匪遙數歸雁之銜蘆并門在下朕對  
清涼之勝景招閭闔之長風北瞻則畢月昴車西

顧則參旗井鉞憫此伽藍久廢飭其僦甃重新紺  
馬銖衣常轉相輪於雲表柯魚茶版仍流清響於  
山椒庶使龍象行時金閣遠符大歷狻猊坐處神  
光復現元和云爾

南臺普濟寺碑記

南臺世傳文殊示現之處也臺當山之陽地稍暄  
暖金蕖日菊佛鉢之花生徧崖谷若錦繡之相錯  
故峯曰錦繡之峯峯有寺曰普濟蓋宋所建云佛  
氏之教息心淨業以獨善其身而文殊所願在饒

益衆生布施以廣仁義持戒以守信忍辱以爲  
精進以施敬禪定以守靜知慧以通禮其慈悲之  
心有獨引者自漢以來清涼之山代有精舍至宋  
之十寺爲國祝釐恆賜詔褒答載籍傳之所從來  
久矣山之僧棲巖飲澗以自甘惟守其師之說以  
獨善其身寺有圯者力不能興葺也朕登南臺廼命  
復新普濟寺以居僧徒之息心淨業者俾祝釐於  
是登臨者觀象教之精嚴慈惠之心可以油然而  
生矣

北臺靈應寺碑記

清涼山左鄰恆嶽右接天池環基五百餘里五峯聳峙而北臺爲最高歲癸亥二月朕轡轡西巡登其層巘雲氣生舄履之下開合萬變時春雪方霽青霄曼絕天風颯然所謂身歷清淨之域目睇澄鮮之境心遊太古之地盈縮造化吐納靈氣冷然善也臺名叶斗峯舊有靈應寺丹青屬剡案膺欽傾朕念衣緇之流不外仁義以爲教故熙隆之代亦所不廢矧曼殊化宇恆著感通遠邇之人斯




久矣爰命崇其陛庀飾其題染土未瓦石丹堊金碧之需財自內出不涉經費工以備給役弗違農是以工敏於事而民若不知秋八月告落成焉董事之臣請製文勒石以志之想以上昭景福於慈闈下廣嘉惠於兆庶垂示於億萬斯年爾

中臺演教寺碑記

五臺之山高出於雲代然不與岳鎮之列山經禹貢以及道書所稱洞天福地均莫之載蓋自昔爲釋子所棲故與峨嵋普陀號三靈山之三山者或

在海上或當巴蜀險遠之區惟茲山峙神京之右  
千里而近宜登陟者較多焉朕嘗覽觀載記謂茲  
山東有離岳火珠西有麗農瑤室南有洞光珠樹  
北有玉澗瓊枝中峯則有自明之金環光之璧是  
靈秀所鍾中臺爲尤異矣臺高三十有九里遊者  
至是必思憇息之地此自唐以來演教寺之所由  
建也山峻多風寺久傾圮朕爰命工拓而新之譬  
諸於物澤雉十步一啄百步一飲鵬之飛九萬而  
扶搖六月而息其遠邇高下雖殊去其息自適之

情則一也朕之命新茲者亦欲登是山者咸有自  
適之樂焉爾



康熙二十二年秋八月

題臺山諸寺匾額

東臺望海寺

自在

後殿

般若源

西臺法雷寺

蓮井

後殿

初

南臺普濟寺

大方廣室

後殿

物外遊

北臺靈應寺

栖真境

後殿

火珠白月

中臺演教寺

翠巖

後殿

古雪

菩薩頂

珠林花雨

羅喉寺

八正門

鎮海寺

金光輪藏

壽寧寺

白毫光現

玉花池

天開滌池

永明寺

甘露津

塔院寺

景標清漢

後閣

金粟來儀

銅殿

紺園

黑龍池

五界神湫

澡浴池

無垢

八功德水西林寺

宵澗

北山寺

八雲天籟



般若寺

鴈堂

妙德庵

松風水月

板閣

香閣慈雲

廣宗寺

雲嶺

圓照寺

勝幡西振

殊像寺

瑞像天然

紫府廟

列眞之宇

棲賢社中殿

小匡山

後殿

鶴苑

慈雲社

眞寶相

金閣寺

具神通力

清涼石

水晶域

古清涼

心會眞如

白雲寺

法雲眞際

石嘴普濟寺

梵覺

古南臺寺

古南臺

千佛洞

禪悅

娑羅樹

旃林

黑巖洞

定水心蓮

湧泉寺

化城蓮徑

萬年冰

冰風

乾隆十四年春三月

御製五臺碑文

望海寺碑文

慈氏以性海爲萬法之宗故息心淨行必窮極海  
藏超證圓通乃爲深入佛海衆生緣未成熟則皆  
以津筏濟度令到彼岸學人勤苦精進以求證入  
固瞻望覺海而未測究竟者也東臺之峯與寺並  
以望海名志稱東望大海如波若鏡蓋蕩雲沃日  
之觀境固然已朕命修葺此寺因思卽境徵名是

世諦非義諦也夫佛說國土如恆河沙皆依華藏  
世界海住國土無量海益無量今踞一峯之頂瞻  
望一隅遂以是爲大觀而卽藉以表佛刹之號乎  
象教流入震旦緣盛於東東臺那羅延窟經云是  
菩薩住處天龍八部圍繞供養則海會卽在山中  
瞻謁曼殊者但當於此尋源東望滄溟猶墮見網  
昔

聖主駐蹕茲山諸寺皆降

御筆而茲寺獨顏以般若原可循本而悟眞詮矣

法雷寺碑文

西臺舊名栲栳山危磴緣雲蠡旋箕織厥狀肖焉  
五峯各表嘉名若以栲栳之稱之過質也則易之  
曰掛月唐建法雷寺頽廢久矣康熙二十二年與  
諸寺同奉

勅修復甲子既周金蘄改色朕咸葺而修之夫佛固西  
方聖人其徒行化中國常以西土爲歸此間一草  
一木無非文殊境界雖不必執著西臺尋覓消息  
而西來大意正可當境有省昔如來唱導羣迷獅

五臺集卷一  
一  
吼雷音徧十方界文殊立光音天說法魔宮振裂  
惡道休息然則法雷之震歷劫并應警動又况指  
月妙諦傳自楞嚴登禮至此不隨在皆可證入乎  
朕以聖王之法治天下而於法王之法蚤承

先訓深契淨因故推演至義爲大衆津梁凡欲萬善同  
歸永資福祿云爾

普濟寺碑文

五臺按方嶽峙而山勢北聳卽東西中三臺皆備  
近於北惟南臺正居丁位近接關城於大山爲初



地聖眞應化靈蹟實多蓋象教徧四天下大乘氣  
象獨現南州於此焉悟之矣清涼冰雪之窟山陽  
則葩卉欣榮峯攢錦繡琳宮華藏天與莊嚴普濟  
寺者建自宋時

聖祖巡幸特命鼎新歷今六十餘載朕恭奉

皇太后瞻禮曼殊重繕完而丹雘之夫能仁度世固將  
施洽羣有而室利行願廣大出生一切菩薩功德  
滅除衆生無量苦惱人天瞻仰廣證善因此普濟  
之功也至於根極慧命護持正法用以祝釐資福

上界

慈闈下覃黎庶則朕之此舉猶

先朝之志焉抑豈擬金閣螺城之幻化飾龍宮玉象之  
奇觀也哉已事而竣因勒石以紀歲月

靈應寺碑文

北臺高出四臺之上凌薄斗杓故峯以叶斗名世  
傳龍窟所在雪罨氷封風勢尤烈臺麓織羅微動  
卽其上噫氣鼓怒行者率累足朕將詣靈應寺瞻  
禮從臣多以風爲解且謂

聖祖臨幸未嘗登此朕讀

御製清涼諸詩有北臺眺望之作則當日登臨已有確

據且致虔祝釐亦未敢以道險辭也爰約飭騎從  
盤雲造天炷香金像已周覽八荒窮盡沙界羣山  
部婁時露頂雲霧中若俛滄海而辨島嶼於時山  
氣暄融冰雪滋液從者並如挾纒風亦間作殊不  
如向者所云因嘆險阻之境固時有不常有事可  
以理斷而數典尤足以證之則一舉足而紹聞之  
義著矣寺爲康熙癸亥年修茲復葺而新之佳出

禪侶觀朕此行其共發勇猛精進心得大安隱而  
超悟最上乘乎

演教寺碑文

宇內名山形勢皆以中峯爲尊勝仙佛化現常安  
立道場此四臺所以環拱中臺而建刹表名獨以  
是爲曼殊演教之區也夫菩薩之欲度脫衆生與  
聖賢之欲垂教萬世道不同而心則一但菩薩常  
顯示神變以警衆發心故說法度世無有窮極華  
嚴謂東北方有清涼山文殊師利常在其中而演

說法文殊亦嘗語舍利佛吾能持一切華樹無心  
之物變相說法皆令如佛今臺南谷中清涼石舊  
傳有梵僧說法其上卽之則失後人因冒爲曼殊  
牀然則大士演教無生滅相法身圓對以不聞聞  
則無言無說而聲震大千入此寺者眞入不二法  
門矣朕詣寺瞻禮恭誦

聖祖御製碑文謂靈秀所鍾中臺尤異故知吉祥萬衆  
常行道於此爰命重葺而文以證明之



乾隆十四年春三月

御題臺山聯額

菩薩頂

八解濬遙源航週性海

三明開廣路鏡朗心臺

百道泉飛澗流功德水

五峯雲擁天雨曼陀花

性相眞如華海水

圓通妙覺法輪鈴

心印毘曇

人天尊勝

最上層

臺麓寺

妙莊嚴路

筏通彼岸

五髻香雲

玉花池

華嚴龍藏

妙參真入

羅睺寺

慧燈淨照

悟色香空

意蕊心香

東臺頂

霞表天城

華嚴真境



北臺頂

應真禪窟

寶院飛觀

中臺頂

靈鷲中峯

震那金界

西臺頂

月鏡空圓

德水香林

南臺頂

仙花盞果

顯通寺

五臺縣志  
卷一  
寺  
十地圓通

眞如權應

塔院寺

攬妙鬘雲

殊像寺

大圓鏡智

現清淨身

棲賢寺

是忉利天

身遍恆沙

萬緣庵

施洽羣有

智法六度

白雲寺

法雲地

松風花雨

朗瑩心珠

碧山寺

淨域靈因

香林寶月

雜花庵

無量福田

妙德庵

性因淨果

壽寧寺

善超諸有

古清涼

菩提不染

般若寺

妙音如意

鎮海寺

金輪不住

金閣嶺

紫雲山鏡

圓照寺

宏範三界

清涼石


清涼法蔭

古南臺

慧性明圓

旃林寺

七佛導師



徵修續志小引

縣志之未續修也凡九十餘載矣今日爲之其碩  
德懿行遺忘失次者已不知凡幾若再延焉將何  
以稽顧志乃公器僅成於一二人之臆見非制也  
爰舉城鄉釐而爲五各以其鄉之公正能文者董  
之務望旁搜博採別僞訂真不濫不遺可傳可守  
余不敏願假手以觀成焉

續志凡例

一舊志卷分爲八目分六十七最便檢閱今仍之

惟輿地志內前列星圖夫天可包乎地地不能該乎天也爰易爲星輿志

一舊志係照明本續修自可傳信但其中亦間有世系年代人名地名一時以訛傳訛及表揚或未當於人心者幸今日遺老尙能言之應臚陳以備核正

一舊志由川寺院及四鄉道里率多遺漏及詳畧不齊今悉增定其舊聞古蹟及歷代年歲則悉查





一由康熙二十六年以後凡職令司錄城守延司  
捕尉其政績卓越可傳者當爲列傳餘有一善必  
錄

一名宦鄉賢儒林節孝凡已入舊志者俱爲備載  
惟宣化總兵李延壽於姜寇之亂曾統兵征勦觀  
於立生祠未久土人卽撤其主改節孝祠則其人  
可知遂刪其傳

一耆儒名宿實有令德令聞足以風化一方及平  
日著書立說卓然成家者悉爲續入

一查出前代孝子節烈及檢得唐宋元明人詩文仍按世系補入庶前後不至混淆其在康熙二十六年以後者則以次續載之

一已奉 題旌之孝子烈女節婦固當備載其窮鄉僻壤未經表揚而見聞最確者悉載入以彰風化

一一切傳志記叙以及詩賦小令無關政治者一概不錄

一武孝廉張振先家舊藏抄志一帙百有餘半矣

據其先人云刻志多有未合留此待將來續修今  
多本此

The image shows a vertical rectangular frame with a thick black border. Inside the frame, there are several vertical lines that divide the space into columns. The lines are thin and appear to be part of a grid or a table structure. On the right side of the frame, there are some faint, illegible markings that could be text or symbols. The overall appearance is that of a scanned page from a book or a technical drawing, but the content is mostly blank.

續修志姓氏

知五臺縣事王秉韜編纂

儒學教諭 平 梓參核

城關

武舉張振先  
歲貢鄭敷政

齋長劉季恆

生員王漢光

東鄉

原任學正王式璽  
監生張上苑

生員張崇本



西鄉

生員劉成望暨子進士溥元

貢生王吉士  
生員鄭紹武

採訪

南鄉

告病知縣曲徽音  
生員徐天叙

北鄉

舉人劉鉞升  
舉人鄭性善

貢生白樂清  
監生張南斗

原序

臺山爲三晉之勝甲于天下又爲景物之奇千古  
瞻觀邑以山名蓋從乎地之勝也乃自宋元明以  
來竟未一成其志我

朝四十餘年武威遐播文教聿修徵諸下邑各獻輿

圖以備採輯而斯邑闕焉進承乏茲土集邑之紳

士悉心訪輯始于丁卯歲之春成于仲夏畧焉麓  
備雖不敢自命操觚大約考天文而必有其星按  
輿圖而必有其籍揆之人物而各有所產叙其風

俗而必有所自此事之成於一定而不可易者也  
至前之所無而今或有之俗之所傳而間或非之  
事之所不常有而偶一得之此事之未可定而於  
時各別者也苟一不慎而疑者信之則疑者終疑  
信者疑之則信者亦無可信矣揆諸往日吏茲土  
者豈無文學兼優其人而獨於志置焉不講良以  
其地之兵燹水旱撫恤爲不遑耳遊也幸值

皇上偃武修文之曰我晉省各憲紀綱肅清敷政仁恕  
凡在下吏得以簿書無煩催科不擾一以無事治



之始克與經士古者曰文者書而履其後也曰  
而臺之幽者以顯遺者以拾信者以傳疑者以辨  
至其筆之削之潤色鴻文姑以俟諸後之作者康  
熙二十六年丁卯端陽月知五臺縣事周三進天  
驥氏題於臺署之思補軒

舊志凡例

臺志肇自金天會間至明永樂重修之閱數百年  
來未有續筆天會版籍云亡明書間有存者

國初己丑變寇犯境盡燬於兵及今不作後則愈無

徵信用加訪輯卷分爲八目分六十七雖多漏畧  
聊存副本云

一圖畫 臺邑邇接邊陲爲

神京右臂爲之圖畫形勝可一覽而知

一輿地 臺幅頓五百餘里高峯深壑過其半邑  
則瘠而地則勝附以風俗俾司牧者得所教養焉  
一建置 郡邑之建也久矣其圮移析併更名易  
隸者不一悉爲考正

一食貨 臺邑兵燹之後逃徙殆盡丁戶至今未

復而五臺一山環峙境內民皆耕於磧麓之間  
於賦役俱照錄新頒全書而物產附之使知臺民  
別無治生之法

一官政 郡守令丞民之師帥有克盡其道而爲  
史氏所紀民所尸祝者則列爲循良非是則止記  
其姓氏

一選舉 鄉舉里選昉於周唐宋限以科目歷代  
因之今宋以上無徵則不敢妄載

一人物 家乘所載墓志所傳近於諛者不錄

於一行之士不二之婦風厲攸關概予纂入

一藝文 有關政典者方入之餘不敢濫登以辨  
異終篇備考焉

舊志纂修姓氏

知五臺縣事山陽周三進編纂

邑舉人關襄參閱

貢生張焯貢生楊鳴鶴貢生張繩序生呂先  
聲張紳張紉張約張紱張肇張肇修校訂

五臺縣志總目

圖畫志 卷之一

縣境 縣治 縣署 學宮 書院附

星輿志 卷之二

輿圖 分野 沿革 疆域 形勝 山川

八景 風俗 士習 民業 鄉儀

節序

建置志 卷之三

城垣 縣治 內署 屬廨 倉庫 行臺

學宮

演武場

墩墩附

釋奠

祭儀樂器附

壇壝

祠祀

坊表

舖遞

鎮集

都甲

郵典

寺觀

橋梁

村屯

附

堡砦

防兵

食貨志

卷之四

戶口丁徭

地畝田賦

水利

學田

賞賚

物產

官政志

卷之五

秩統

歷宦

循吏

傳附

選舉志 卷之六

甲科 鄉科 恩拔歲貢 薦辟 武科

武職 例貢 雜職

人物志 卷之七

鄉賢 名宦 儒林 隱逸 封廕 孝行

貞烈 耆善 義民

藝文志 卷之八

碑記 傳 墓誌 詩

The image shows a document page with a dark border on the right side. The page is mostly blank, with some faint, illegible markings on the right edge that appear to be page numbers or headers, possibly '11' and '12'. The overall appearance is that of a scanned document with high contrast.



五臺縣志

卷之一

圖畫志目錄

計五圖

縣境

縣治

縣署

學宮

書院

五

一

一

圖畫志

昔職方氏掌圖籍辨其邦國都鄙以周知其要害  
左圖右史殆不可偏廢歟臺邑環列萬山土田瘠  
薄然而城郭完整林巒奇秀五臺著名寰宇尤爲  
往來遊屐所必經自繪之於圖而疆理城郭可辨  
廟宇衙署可徵留連景物者恍置身於清涼五臺  
間以當臥遊不亦可乎志圖畫



主

圖

譜

古今圖書集成

卷一百一

律

縣境圖

東臺

北臺

西臺

東嶽鎮

鎮村寶

中台  
南臺

關

村東

石洪高

射院

寺陵

村塲教

黑山



榆車嶺

西我嶺

松林嶺

圭洞山

小王村

九松嶺

峯

北壇

廣壇

西村

孫溝

西壇

東鎮

演

南壇

建安

津沱

河

夾子


二

一

三



縣城圖








城隍廟

第一

城隍廟








知風亭

門



門

學宮圖

誠道宅




兼書宅



無東

名




節孝祠




祖  
堂



魁  
星祠



名  
宦祠



木坊

木坊

木坊

正德

年

三



山城夜月

印

山城夜月

山城夜月

石穴躍魚

五十二





關道  
穿雲



五原示

五

五言詩  
卷一


河邊歸燕




龍  
灣  
烟  
雨



如湖落雁



槐陰春色



卷之二

卷之二

卷之二

東治秋禾



養山風圖

養山風圖

卷一





縣時繁

國門庭

州代

臺西

臺中

觀來石

獅子窩


金閣

廣增寺

高橋涼

香

香



卷之六  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十

五言集

卷一

二

五臺縣志

卷之二

星輿志目錄 計十二條

舉圖

分野

沿革

形勝

疆域

山川

八景

風俗

士習


民業

鄉儀

節序

星輿志

聖天子協天紀辨地方政治之大無踰於是臺邑葭爾  
邊隅雖遠遜通都大邑然一爲之考因革而辨疆  
域俾覽之者明天人倚伏之機隨時補救以期治  
臻上理其有關於國政與民生者顧不重斲志星  
輿



星野

星曰畢辰曰酉次曰實沈令曰芒種封曰冀州按  
周禮保章辨九州之地所封封域皆有分星以觀  
妖祥張衡曰地有山嶽以宣其氣精鍾爲星列居  
錯峙各有適屬司馬遷天官書曰昴畢冀州帝王  
世紀曰自胃七度至畢十一度爲趙之分自畢十  
二度至東井十五度爲晉魏之分天文志曰自魏  
郡濁漳之北得漢趙國廣平鉅鹿常山東及清河  
信都北據中山真定全趙之分又北逾衆山盡代

郡鴈門雲中定襄之地俱爲畢分晉志曰自胃七  
度至畢十一度爲趙分隋志曰舜析冀州而爲幽  
并其於天文胃畢爲冀州兩漢天文志考星之變  
實以漢之事異與前數家所言槩合雖史家以事  
後言之多爲巧合大畧豈盡謬乎論者以子產辨  
實沈之爲崇以爲全晉之地俱當屬參豈知山河  
疆界自漢以後漸有開拓欲以後日之州縣盡統  
乎古人之分域必不然矣特古之古者以河山爲  
界而不拘於方國也及唐李淳風撰法象志因漢



十二次始以唐之州縣配焉嗣後古候率因此法然歷代之沿革不同隸屬時改執古人之法以律今此躔舍之所以不合也故唐志曰魏徙大梁則西河合於東井秦拔宜陽則上黨入於輿鬼方戰國未滅時星家之言屢有明效今同在畿甸之中矣而或者猶據漢書地理志推之是守甘石遺術而不知變化者也然按今日省縣與漢晉隋唐宋元迥不相同惟明距今未遠而州縣亦未更改誠意伯劉基爲一代星緯之宗其分野云太原入畢

初度而臺得六度則臺之屬畢無疑也後之察災  
祥者其驗於此爾

步天歌曰畢又八星恰似爪附耳左股一星光天  
街兩黑畢背傍天節下八烏幢停畢上烏列六諸  
王王下四皂天高星節下團圓九州域畢口斜對  
五車口車有三柱任縱橫車中五黑天潢精潢畔  
咸池三黑形天關一星車脚間參旗九個關下懸  
旗下九旂九烏連旂下十三烏天園九旂天園參

脚邊

占候

畢十七度主邊兵弋獵其大星曰天高一曰邊將  
明大則遠方來貢失色邊兵亂動搖邊兵起甘氏  
云畢主街巷陰雨天之雨師也張衡云畢爲天馬  
昴畢間二星曰天街主國界金火守之邊兵起附  
耳主聽得失星盛主中國微有盜賊邊堠驚動移  
則讒佞行兵大起天節主使臣之所持也諸王六  
星主宗藩天高在參旗西畢兵北此稟榭之高主  
遠望氣象不見官失守五車三柱主天子五兵北

天庫主秦東北天嶽主燕趙東南天蒼主衛魯中  
央曰司空主楚西南鄴主魏五星有變各以主占  
之又填星舍五車燕代大旱三雉一曰三泉一曰  
休一曰旗五星明柱皆見則倉廩實一曰天子得  
靈臺之禮則五車三柱均明有常天潢五星主河  
梁津度咸池三星在天潢南魚罔也天關亦曰天  
門主邊事主關關參旗九星天旗也明而稀則邊  
警不動流星入北地兵起玉井西南九星曰九旂  
天子之旗也主邊軍進退金火守之兵亂起天苑

之南十三星曰天園植果菜所也

按舊志云臺邑屬畢宿分野考要云畢爲天之雨  
師傳曰畢星好雨詩日月離於畢俾滂沱矣武王  
伐紂上祭於畢是也星經畢宿計星十七座畢八  
星天高四星附耳一星參旗九星九旂九星五車  
五星三柱九星柱分三座天關一星天潢五星天  
節八星天鬪十三星咸池三星九州九星天街二  
星舊圖止列十五座無九州天街二座星經云九  
州殊口在畢宿之下步天歌所謂節下團圓九州

域是也又歌云天街兩黑畢背傍天街二星在昴  
畢間日月五星出入要道主伺候關梁又主國界  
街南爲華夏北爲外國此兩座舊志占候中亦不  
載又天潢五星舊圖止列四星天園十三星舊圖  
止列十一星今悉改正俾歌與圖合至於經緯躔  
度之微密非精於術數者不能茲不敢臆測云

沿革

五臺按禹貢爲冀州域成王封唐叔於晉屬晉戰  
國分晉地之一屬趙秦分三十六郡屬鴈門郡漢

置慮虜縣屬太原郡晉罷北魏太和十年復驢夾  
縣新興郡永安中隸永安郡北齊改屬鴈門郡隋  
大業初改爲五臺縣隸鴈門郡唐隸代州五代及  
宋因之金貞祐四年三月升臺州隸河東北路元  
隸冀寧路明洪武二年爲縣隸太原府

國朝因之雍正二年改隸代州

照省志增定

形勝

東跨五臺南襟沱水西帶泉巖北枕楊嶺巖阜環  
拱川谷重複彈丸一邑巋然中藏

疆域

縣東至直隸阜平縣龍泉關一百二十里南至孟  
縣牛道嶺八十里西至崞縣榆車嶺八十里北至  
代州楊林嶺四十里東北至繁峙縣東峨嶺一百  
里東南至直隸平山縣黑山關九十里西南至定  
襄縣芳蘭鎮四十五里西北至代州西峨嶺八十  
里在代州南一百二十里在

京都西南九百里境內以西北計一百二十里以

東西計二百里



山川

臺山在縣治東北一百二十里環五百餘里上有  
五峯高出雲表頂皆積土平廣如臺故謂之臺世  
傳北方有文殊師利所居之地卽此也中臺高四  
十里平廣六里西北有太華池取水禱雨輒應正  
東五里有雨花池西有甘露池南有靈鷲峯前二  
十五里有飯仙山東臺高三十八里平廣三里頂  
東有那羅延洞風甚寒盛夏有冰五色雲常出東  
有樓觀谷內有習觀巖西北十五里有華巖嶺仙

人洞東南二十里有明月池臺下有青峯東谷池  
溫湯池溫泉寺西臺高三十五里平廣二里上有  
魏文帝人馬跡北有秘魔巖洞天陰中有聲如風  
雨嶺畔有薩埵崖捐身巖臺西有八功德水東北  
下有文殊洗鉢池南臺高三十七里平廣二里麓  
畔有聖鐘山狀如覆鐘西北十五里有金閣嶺嶺  
西北有清涼泉清涼石上有羅漢洞東北有竹嶺  
北臺高三十八里平廣周三里南畔有羅喉臺頂  
有黑龍池卽天井南下二十里白水池與天井連

其麓有七佛池飲牛池東有寶陀峯又有寶山產  
銀石碌天花東北二臺麓有金剛窟

邑在萬山中難以屈指數其最著者五峯北臺名  
叶斗峯視斗杓如可挹風雲雷雨出自半麓登斯  
臺也北眺沙漠南望雲天令人有萬里搏空之想  
由北臺而東四十里至東臺西南四十里至中臺  
又西四十里至西臺皆接脊相連中臺名翠巖峯  
高四十里丹崖翠巘飄緲浮雲寶衆山發脉之祖  
從此南下一支旣伏而起蜿蜒磅礴屢起屢伏突

出一峯小於羣山名靈鷲嶺一名菩薩頂左右兩山翼水而行合流迴向而後去兩支山龍蟠虎踞而飯仙山當其案下舊設巡檢司後裁去今復設東名望海峯朝觀紅日湧輪若駕海而上又名無恤臺以趙簡子曾獵於此云西臺名掛月峯月下西天如懸鏡南臺名錦繡峯金蓮日菊佛鉢諸花爛若錦繡古名繫舟山相傳帝堯避水繫舟於此其間靈跡仙景甚多最奇者則清涼石石方平自然紋理計厚六尺餘幅幘四丈七尺許真上南容

數百人然石不附山撼之可動極爲神奇柳宗元  
稱雲代閩有靈山與竺乾鷲嶺相應角立東峯有  
離岳火珠西峯有歷農瑤石南峯有洞光珠樹北  
峯有玉澗瓊枝中峯有自鳴之金環光之碧正謂  
此也其川則滹沱河卽山海經載秦戲之山多金  
玉沱水出焉者三漢合流北經繁峙西環代崞南  
抱五臺趨常山東北入海臺五溪發源二溪左注  
清河三溪右由西臺出峽口入滹沱水經云峽谷  
之水出於中臺是也其他詳載清涼志

近城亦有五臺之目由臺山而西南百餘里嶺斷  
峯連至楊林嶺而開嶂更南行數十里至青山孤  
嶂獨秀則縣中之北臺也松林茂密疊嶂重巒北  
眺臺山南瞻沱水爲一縣鉅觀南臺則南神塢上  
建漢文帝廟匾曰漢代仁宗廟後古松數株蒼老  
若虬龍東臺有天蓬塢東山一帶接脊纏連一峯  
獨高上有八蜡廟西臺則紫羅山青松鬱然茂樹  
嘉蔭至者輒憩息忘歸峯山則縣之中臺其來龍  
自青山而南火星高聳土星蜿蜒至峯山而金星

突兀爰結臺城頂上舊有文昌廟西南兩小峯相連形如覆釜稱爲聯珠金星爲合縣龍山山半有古龍神廟禱雨極靈應廟之創建無所考得古碑蓋重建於金天眷二年又重建於元至正十三年明洪治甲子復重修云二條採舊抄志補入

峯山 在縣西北二里許詳八景

龍泉山 在縣北五里

天蓬山 在城東十五里

青山 在縣西北十里巍然高聳青松茂密舊云有仙人居此

小王村山

在縣北十里山下出清泉水甘美春日常有寸餘鯉魚湧出無算河芹不種自生此盧澆河之源也

蘆虎山

在縣西十五里狀如伏虎

玉皇壩

在縣北三里上有玉皇廟

閣嶺山

在縣東北十里詳八景

圍壩山

在縣西南二里詳八景

寶髻山

在縣南十里有香爐峯真潛洞避雨巖出碧陽砂有蒼松一株石碁盤相傳仙人奕碁於此

孤髻山

在縣南十五里兩峯尖秀如髻



紫羅山

在縣西南八里峯巒高峙蒼松茂鬱翠桓  
一株繁蔭曲幹可玩建臺駘神廟

莎泉山

在縣東南十五里有莎泉寺

鳳墀山

在縣南十五里東西兩山相接低昂起伏  
如鳳鸞盤翥之形

栢嶺山

在縣南二十五里

東峨嶺

在縣東北八十五里

錦屏山

在縣北二十五里石壁層巒巖花林樹色  
若錦屏

月掛山

山上一孔玲瓏如月

煖泉山

在縣東南四十里有煖水泉福田寺

天和山

在縣東四十里有龍洞泉出鐵沙甕器石  
炭

筆架山 在縣南二十里三峯高聳如筆架

虎陽嶺 在縣東三十五里有古剎後人建閣

烏牛山 在縣東八十里山下石壁峻峭洞有水泉風致異常

紗帽山 重崗屈曲形如紗帽

突兀山 在縣南四十里狀如筆峯峯上建老君祠昔有人題句云突兀峯何峻月明鶴自棲

相看不成寐起聽麓南溪

蝎虎山 在縣東南七十里山前有村名孫家庄去村里許則多蝎村中絕無間有亦不傷人

白羊山 在東峪村東丹嶂萬仞自下望之崖腹有白羊奔躍狀

東明山 在縣東四十里山腰一孔與縣西月掛山相望

鐵拐山

在縣東五十里削壁千仞中插二拐相倚為仙人所遺石上有詩云一川流水漫何

寨墉山

三峯峻秀儼如筆架

黑山

轉緣百折林木叢茂東高四十里為五臺西

五洞山

在縣南四十里俗傳出五金今產煤炭

黃石山

水下數仞

段畝山

在縣南四十里出紫綠紋石堪為觀文

仙跡山

山上有一足跡

簡子山

在縣南四十里有趙簡子廟

黃金山

在縣西五十里盤亘一方上有龍王廟雨輒應

西峨嶺

在縣西南七十里石盤百轉

九女山

在縣北四十里有九仙巖碧霞元君祠

石版山

有二泉

仙人山

在縣東南五十里石巖上有仙人坐跡山腹有手跡山下有足跡皆西向

獨龍山

在縣東北四十里山腰有泉細流水極甘潔

二仙山

在縣東北四十里巖間二石遠望如人坐一立

蓮花山

古竹林寺後山

象山

在縣北五十里青松數百下有梵剎名蘭

皮箱崖

硃書十六字天然生成人莫能識崖腹懸一皮箱攀不能及昔人題崖壁云一索懸方笥人傳中有書千年容易過何日發瓊

硃砂崖

赤色如硃傳為仙人所吐

審戶崖

行者捫崖魚貫狀若審戶

射虎川

在縣東北一百三十里康熙二十二年得名詳藝文

神武泉

在射虎川

盧虎河

一名慮虎源出王村環縣東南入南峪與虎陽清水合入滹沱明天順間知縣李華令民引渠溉田名曰豐樂

滹沱河

由河邊村入臺境至南峪河門與縣三河合

虎陽河

在縣東北四十里平地發源入峽口經東明山下至河口與清水河合

清水河

源出華崑嶺南流至石嘴與射虎川合

泉巖河

在縣西三十里源出泉巖村至槐陰入流

東峪河

發源白羊山經東峪村至陡寺與黑龍池合經移城村孫家庄百蘭村灌田入河門與游沱合

聖阜水

在縣西南四十里水側石上有二手跡一足跡

沙沛泉

在縣城南門外水味甘香時旱不雨山人張平山蓋龍王廟於其上識者謂為不食

龍池

在獨龍山下去地丈餘有石罅清泉出焉旱禱雨於此

九女泉

在縣西北峯山下上有黑風洞其水積流數里與盧虎河合

建安潭

在縣西南三十里稍濕有魚

明月泉

相傳以紗帛障目下視或見月在水中

龍泉

在縣北五里龍掌峪南

龍灣泉

在西峽村北詳八景

魚洞泉

在河口南每谷雨日滿尺魚出數頭則歲

臥虎泉

出盧虎河之頤卽河源也泉溢則發科或

馬跑泉

出探頭村下

濟難泉

在遊事壩上不涸不流

東峩峪

原出於中臺太華池

龍洞泉

出天和山

茹湖

詳八景

淮盆池

在黑山下龍常見形深不可測晴雨靈應

石蓮池

池石皆蓮花形

東峪溝

折自黑山關抵城下百里濶遶山行水流曲

孤嶼溝

兩山對峙寬僅數武澗深五六丈細泉循澗而出鑿山開道以通往來

野馬溝

自探頭抵漣沱七十里

石盆溝

自茹村抵東河口三十里

石槽溝

自河東口抵城南四十里

正系... 石盤大小



北嶽地 在縣東九十里石壩內有天然石盤大小計十八盤水注其中冬夏不涸亦不流出

八景

閣嶺白雲似臥 嶺有支道符屯白雲遠望如臥龍

林泉晚照人家 在縣北三里許晚日光照人家

峯山無樹落松花 其嶺衍平有黑氣儲洞時落松花余按山石多天然松紋當指此

西望河陽月掛 地接峯山多楊樹夜月掛其梢余按當指月掛山

朝看黃圃雨霽 俗稱園壩一峯聳峙每有雲霧其上即雨最驗

河邊落燕交加 即津沱河淺濼明沙社日燕集蘆荻盡黑

槐陰春色更堪誇 多槐樹春來各花先開二十餘日光景明媚

東治秋光如畫

沃壤水田秋日穠熟田家景色可玩

邑中八景舊有西江月詞不知誰何氏所作後復

採景色稱佳者志八景焉

山城夜月

臺城甃石三層上如爲垣夜憑粉堞摩霄望月倍加清絕

石窟躍魚

河門兩崖萬仞崖半有穴去水丈許徑一尺每清明前穴中有魚充塞而出凡五六日方止

閣道穿雲

見前

河邊歸燕

見前

龍灣煙雨

城東四十里有太師山山下大泉二口龍池小泉近西山上養松數千覆之林

茹湖落鴈

水聚成湖蘋藻葦蓼映帶參差春秋鴈過有洞庭瀟湘之致

槐陰春色

見前

東冶秋禾

見前

風俗

剛柔燥濕地氣不同而四方之風氣因之晉省人情強悍顧亦果敢剛毅所由出也是在司土者有以倡率而整頓之

士習

臺鍾山川之秀士生其間者率多聰穎以故積學力行及通經足用者代不乏人

### 民業

臺民多依山而審處艱於生業惟事耕鑿然平疇寬衍號稱沃壤者十不得一山地皆饒瘠一畝獲粟數斗又必肩負數十里始易金錢買布絮焉

地不產棉婦女不知紡織雖尺布亦取給於市肆乾隆丁酉冬擇紳耆之年高有行者董其事官爲捐綿每婦女予一斤聘直省善紡婦爲之師更覓

善織者開局以廣其利噫是舉果成不惟人人挾  
續生計裕饒抑民勞則思思則善心生淫心舍力  
之憂吾知免矣

### 冠禮慶婚

婚以二姓通信舉媒妁送婚啓以求約誓之成過  
聘聘禮有金銀簪珥及羊豕果品諸物及笄則請  
期如期親迎于歸拜尊長三日謁祠堂

### 喪 遵禮制

### 祭

宗祀歲四時有祭生日忌辰有祭每清明及上元  
中元下元皆墓祭

孟冬朔日祭祖先送寒衣剪楮爲之

冬至日祭祖先士大夫家亦有拜賀者

季冬八日取諸米雜豆果肉爲粥食曰臘八粥廿  
三夕以糖餅祀竈拂塵除夕易門神桃符貼宜春  
多嫁娶

附田家五行記

古人欽若天道在於敬授民時故夏小正周幽雅

重農事焉然其義微與民罕能喻茲故雜以諺謠  
爲田家五行記正月斗建寅自元日祈穀日皆欲  
晴占曰一鷄二犬三豬四羊五牛六馬七人八穀  
晴則其物青陰雨災是月也農始治田蓄水元夜  
初日占百果中日早稻末日晚稻諺云雨打上元  
燈早禾一束藁月下旬率鋤圃爲畦乃孳桑鷄乃  
媪伏育子二月昏弧星中驚蟄雷鳴先節鳴多雨  
是月穀乃滋種乃播不欲寒始理蠶事祭社祈穀  
實圃殖胡麻芋木棉三月參則伏三月聽蛙上午

鳴原田熟下午鳴濕田熟唐人云田家無五行水  
早卜蛙聲是月上中旬分秧立苗婦乃蠶事用清  
明日占晴雨晴則蠶宜桑貴收春芥爲殖殖蔴藍  
菽四月日在畢八月雨吉立夏日小滿日率宜雨  
諺云立夏不下高田放罷小滿不滿芒種莫管以  
梅實卜秣田穰歉諺云樹無梅手無盃是月也農  
乃登麥晚禾立苗婦女緝葛績麻五月招搖指南  
斗參則見農喜是月大雨諺云大旱不過五十三  
率驗又二十日爲分龍日二十五日爲回龍日數



日不雨則穀歉諺云分龍不下回龍下回龍不下  
乾啞啞圃灌藍收梅小麥乃登六月初昏斗柄在  
上卽立秋在月晦則早稻秋始熟諺云六月秋要  
到秋七月秋不到秋圃乃艾藍七月昏建星申七  
夕前占河影影秋三日見則穀賤七日後見穀貴  
農乃登穀祭田祖食新穀圃種菘殖芥八月日在  
角是月及來月率種麥圃剝瓜收胡麻九月虛中  
霜始降自一日迄九日凡北風則穀賤以日占來  
年是月也農穫晚稻畢乃入山收薪樵伐木爲炭

十月織女正北嚮則旦是月婦女紡以燎繼日農  
始耕諺云十月雨連連高山也是田十一月斗建  
子乃修峙田器治其宅廬墼戶十二月日在婺女  
大小寒多風雨損畜四季甲子曰喜晴諺云若要  
穀平四季甲子都要晴甲寅日喜雨諺云甲寅無  
雨六旬慳天時人事多驗用記以傳諸南畝按此  
記舊抄志有刻志無以其有關於民事也補入之